

D mit wie grosser hiez der andacht
wafest du enzünt benedyte iungfrow
do du in dē sal des obet essens mit dē
aposteln vñ ander jungern wafest bit-
ten vmb zūsendung des heiligē geistz.
D wie inbrünstiglich hat dich erglüt
die götlich lieb. also das nit in dir was
das weltlich begird zerstoren möcht.
sunder stete hiez vñ vbermesikeit der
durchgossen lyeb/ als die gnad des
trostbaren heiligē geistz dich allethal-
ben durchgossen vñ erfüllt hat. **D**och
als din sun zū gesagt hat syne iunger
die noch forchtsaz vñ beschlossen wa-
ren. durch die zükunft des selbē heili-
gen geistz mit aller freüd erfult/ vñnd
sy mit syner kraft begabt. vñnd durch
syne wyßheit götlichen ingossen ge-
lert. uch mit siner swriner lieb in yn-
brünstighen enzündt.